


寒岡先生年譜 下

2294
8230
1901
v.2





寒岡先生年譜卷之二

附錄

神道碑銘并序

申欽

宣祖大王卽位之六年 體遠就賢惠致鴻豫元碩之化
時則有寒岡鄭先生出膺聘 命中外傾嚮蓋不啻景
星慶雲之瑞世也顧先生不常仕多在丘園未暇究其
用而遠廢朝初載夷滅同氣謀廢 慈殿姦臣李爾瞻
鄭造等繼更之興一世淪於禽獸之域先生進封事先
後相繼言雖未售而天彝人紀之已絕而復續者實賴
焉未幾而先生卒越四年癸亥惟我 主上殿下應天順

人撥亂世而反之正首揭曠典 命禮官致祀太師議

贈太常議謚 贈吏曹判書謚文穆公崇儒重道之義

長第俱稱而先生之邃學敦行見於言為發於事業者

於是乎大彰明較多矣先生之門人李學士潤雨氏持

旅軒張公狀徵欽以神道之文欽讀而曰是謚史也是

足以侔高狀朋矣不佞如欽雖未獲齒於函丈之列而景

仰軌躅非一日之積也則又安敢以短於餘墨辭而不

為之闡揚乎謹按先生諱述字道可寒岡其號也鄭氏

自出清州為大姓其上世有諱顗事高麗著勲烈贈上

將軍其後有曰章教公諱階有文行執事寔生諱憤重

大匡清河君寔生諱誦左諫議大夫贈清河府院君號
靈谷有節行文學寔生諱樞重大匡清原君贈左政丞
諱文簡公號圓齋疏斥辛朧坐貶朧誅召還事在麗史
寔生諱摠入本朝策開國勲封西原君諱文懿公號復
齋於先生為六代祖章敬以下至公皆有集行世高祖
曰沃卿司憲府執義曾祖曰胤曾鐵山郡守 贈吏曹判
書祖曰應祥司憲府監察 贈承政院左承旨承旨公學於
寒暄金先生金先生愛其志行歸以女承旨公遵寒暄
刑範克樹庭訓考曰思中 贈吏曹判書妣曰李氏
贈貞夫人星州望閭山花亭先生堅幹之外裔考曰煥

昌民追思立生祠冬拜宗親府典簿儀賓都事 社稷
署令皆辭壬午拜軍資監判官移疾而去癸未拜江原
忠清兩道都事乙卯三曹正郎皆辭甲申 宣祖特
授同福縣監及陞辭 賜對詔以治道先生敷對條暢
明剴 宣祖酬酢如響敦諭遣之之官設施如昌山時
乙酉 宣祖萃儒臣勘校經傳名曰校正廳先生與焉
拜三曹正郎掌樂院僉正復拜三曹先生再上章請解
職歸家校正上之政院請留秋竟解歸冬拜軍資僉正
古阜郡守丙戌春拜慶尚道都事皆拜秋拜咸安郡守
立教化以綱紀之修故斯文朴漢柱祠以視效法凡有

水旱必躬禱靡不驗應戊子謝病歸辛卯拜通川郡守
壬辰倭寇犯京師大駕西狩先生倡義討賊傳檄列
郡召集精銳堵截賊路關北土兵附賊煽亂宣祖母
兄河陵君阮於窮山中縊死先生聞而痛之設機捕賊
尋河陵屍手自斂之聞于行在所宣祖傷感不已命
陞通政進拜江陵府使造器械廣屯田嚴訓練賑飢之
雖丁搶攘衆務畢舉甲午入為同副承旨乙未陞右副
左副辭適拜上護軍俄轉判決事石承旨丙申拜江原
道觀察使築鰲原山城為關東堡障冬適拜副護軍刑
曹叅議丁酉歷右副承旨護軍判決事除成川府使時

大駕還朝諸宮王子侍衛諸臣尚在府先生禮接上

下動遵規繩戊戌命躋嘉善庚子瓜滿拜護軍夏

懿仁王后薨先生奔赴除副揔管上䟽論山陵事拜刑

曹叅判觀象監提調辛丑邇拜司正寧越郡守未赴留

為校正廳官壬寅拜忠州牧使又被召於校正拜護軍

癸卯拜洪州牧使甲辰拜工曹叅判乙巳拜海州牧使

丙午拜光州牧使俱不赴丁未春拜安東府使引國典

六十五歲不得為守令之法辭之宣祖不許至府有

一寺奴托權相家橫恣先生鞠治不撓冬邇戊申春

宣祖昇遐光海踐阼聞先生名特拜大司憲兼世子輔

養官 宣祖寢疾經年燕孽釀亂倡偪飛箝鄭仁弘封
疏繼入以臨海君為注 大行在殯逮捕株連三司請
置臨海于法先生連章救之縷縷數百言略曰 先王
末命耿耿在耳殿下同氣之中與之同胎者祇有臨海
先嬪早世兄第二人零丁同長殿下至懷有所不忍獄
不必盡究人不必盡問罪不必盡覈法不必盡施寧有
不經之失而臨海蒙不死之貸則文帝之尺布斗粟無
復謠於今日矣乞免者四乃遍禮部以國喪儀節來問
先生以朱子定論答之夏拜刑曹叅判時人目先生為
護送累辭乞罷癸丑夏朴堅應犀承姦臣風旨上變起

大獄辭連永昌大君上誣 慈殿先生封疏 陳周景
王時倭夫事據春秋三傳證之以救大君又曰父子大
恩與天無極母子至情所當自盡深思古聖賢蒸蒸之
義謂天下無不是底而無變於前目之所以事之者焉
何必異宮別處有若不能無間者哉言甚切直疏將上
先生之子種在都下恐先生獲罪止之先生聞之更為
封事並進前疏暨丁巳冬朝廷廢 慈殿之議已成先
生復草疏會聞光海有鄭述省倡全恩掠取義名之言
不果進庚申正月寢疾終于泗上之持敬齋享年七十
八其前歲伽倻山崩卒之訃泗上木稼人謂之徵四月

己酉葬于星之南蒼坪山艮坐之原先塋之東也會葬者四百六十餘人癸亥州之士子請於觀察使聞于朝後祀川谷書院川谷乃退陶先生所定享程朱而先生修白鹿洞規與諸生講論處也先生配曰李氏訓鍊奉事樹之女溫惠淑慎克內相先生卒生一男二女男曰樟全羅都事女長姜縝弘文校理次盧勝奉事次洪燦府使都事娶都事曹光益女生三男一女男長惟熙性孝服先生喪過哀致天次惟熟惟壽女適盧增善有一男曰有徵生貧盧有一男曰亨遇洪有一女未行先生生質之美固自秀異而早登退陶之門聞淵源之

學且游於南冥大谷間淬礪其志氣知俗學之汨人不
性未嘗安於小成必欲致極乎高明廣大之域尊信小
學心經近思錄等書上沂鄒魯旁通濂洛閩閩精思實
踐養深積厚動靜百為皆可宗師晨興盥櫛先拜家廟
退處書室几案必正語默有節起居有度雖居幽闇不
見情容閨庭內外穆穆斬斬其事母夫人先意承志致
養無方友愛出天伯氏早歿仲氏出繼先生權攝宗事
虔誠不怠奉養寡嫂嫁遣二女撫愛姪甥無間已出與
人交際愈久愈敬嘉事幽閒禮無不至自奉甚薄衣取
蔽體食取充腹人所不堪處之裕如立乎位著惟義與

此嘗曰人臣事君猶子事父凡有所陳不可徒尚直截
唯當開悟上心使國賴其慶民蒙其澤其在銀臺入侍
經筵宣祖方講易傳問于公曰程傳本義何先先生
對曰易之為道惟明乎消息盈虛之理進退存亡之機
不失乎時中而已若徒以占候為事則未矣當以程傳
為先又問朱晦庵遇遯焚稿曰此疏若入宋其庶幾而
反遇遯卦占筮之道不可謂天下之至神而朱子之必
決於此何也先生對曰若使宋寧宗一見封事便點作
宵則其筮必不遇遯此占筮之所以至神也出寧州縣
及接方岳經理區畫皆有經據謹守三尺綱條精密在

先生固餘事也見世教壞夷以為天叙天秩在乎威儀
禮義之中古人制行方冊俱存可考而知不然何以有
所立而持循哉遂指經傳叅以時宜吉凶器服若籩豆
罍爵方牀輶軸深衣襪衽裳麻冠經莫不依古制用之
遠近從化朝野取則與鄉人為講契約法會儀悉倣呂
氏鄉約月朔講習願學之徒執經請業溢於門巷鄉士
大夫老師宿儒講學論禮者尺牘相屬而先生剖析精
切決閼通微無不翕然而去鄭仁弘初與先生同遊學
先生惡其偏執已見曰得志必誤國其者也詆訾先賢
謀危國母先生絕之乃後弘以與甬瞻同惡坐法

誅時人方服先生之見當其盛年抱負甚大宇宙間事
無不以為己責如啓蒙象數洪範九疇天文地志兵機
律曆叅同悟真歧黃諸藝俱曉源委逮乎末年專意講
述為文章一宗晦庵平正醇實不事浮華藻麗為工也
惟好山水遇會心處有風雲詠歸之興頭流楓岳異境
名區窮搜極探以資養性卜築於檜淵蒔梅竹號百梅
園避地武屹山中樂其泉石若將終焉又卜於麓谷泗
陽寺地門徒之嚮往先生者為構精舍以迎之有康節
行窩之風嗚呼四賢出而正學明矣其折衷而集成之
者惟退陶李先生為然先生見而知之得其真傳以朱

夫子為模範以李先生為指南蘊蓄既宏充養又深庶
幾乎成已成物挽回世道而庶職州縣曷得以大施哉
戊申以後晦塞已極先生之免於辜幸矣先生之前後
疏章扶植綱常千百載之下迄國祚於無疆若先生者
其亦關世運之盛衰者非耶黃道重明白日宣朗人皆
知先生之道為可以矜式焉亦可謂天定也夫世之所
謂儒者高者偏於一節下者淪於卑近其克用力於全
體大用能有衛道之功者先生而已先生所述有聖賢
風範中和集說心經發揮濂洛叢書錄五先生禮說古
今忠謨歷代紀年卧龍志谷山泥庵志樂天閑適朱子

詩分類古今人物志亡今名宦錄古文會粹五服泥革
圖深衣制度景賢續錄儒先續錄藏于家銘曰

惟帝降衷民受其中性無不善聖允攸同繫彼夸毗
欲混利跼曰惟先生挺生南服學傳家世道承淵源
明我明德肥遯山樊旋帛享招異數便蕃延登前席
討論天人製錦百里化洽陽春出節入臺秋肅霜後
卷而懷之深渚理窟以禮為教天叙天秩大帶深衣
曰琴點瑟浮雲萬變其樂囂囂晚際時屯盡言危朝
嶽立千仞卓哉嶢嶢扶持人紀日星冥途木稼山崩
吾道其孤聖作物覲節惠崇終文不墜地孰躡高

踰有來式之若堂之封

教書

宣廟報

三若曰殿方隅以軒上室任既重於蕃宣統列邑而撫黎
元責莫大於它牧在治平其猶難慎遇艱危寧忽簡求
念茲江原一方僻在靑丘東面內作畿輔之襟帶外控
額南之咽喉地瘠民貧自昔撫摩之不易財殫軍耗于
今康濟之實難東西北六州割於兵火而完城有幾首
尾數百里藉以飢疫而遺黎罕存烟火絕於千村榛莽
遍於四境况加以不得已之徵發而重有無所聊之怨
咨錙銖舉出於民膏緡騷寧間於他路時危有甚於累

知弊瘼孰去乎如毛挺刃均為殺人予懼如割於民
藩翰要以衛國廟筭尤急於閭閻必用真儒斯無敵矣
不有君子其能國乎惟卿學本於明道正義志存乎後
樂先憂任銅符字牧之有年久著惟良之望掌銀臺嘆
舌者二載咸稱克允之才予簡曾定於錄屏僉舉之屬
於謬岳忠義既篤夫豈擇事而安疆場未寧則或以外
為重茲授卿以本道觀察使兼兵馬水軍節度使巡察
使中以冊命畀之閭苑來自來宣先務德義之廣布矣
咨愛度勿歎王事之獨賢周九采之為職匪輕濫六條
之問事宜審兵務精不教則棄所貴操鍊之日勤食乃

足斯為民天惟當積儲之毋緩察事明而發令慎臨下
簡而律已嚴活顛連無告之氓亟施煦濡之澤去貪墨
肆虐之吏永戢誅求之風保民斯為急焉寧邦豈在
也自餘臨機相時之籌畫只在好謀善慮之如何官通
政罪大辟稟予可裁凡係於軍律者任卿自斷於戲棟
賢分憂盱衡方勤於東顧承流宣化甘棠宜繼於南
故茲教示想宜知悉

諭書

光海朝

聞卿解職之日拂袖南歸其介有若不埃終日者予甚缺
然如夫左右卿自少志學踐履甚篤白首林下克養有

素昔在先朝久居近密贊襄弘多予固聞之夙矣乃
於嗣服之初擢長憲府蓋欲展布所蘊共濟艱難而卿
以疾告辭章累上而不知休予念卿年高多病若一切
牢拒則恐乖於優賢之道茲許姑解職務以便調攝初
不料卿遽棄予而去也君臣之間情意藹然予之體卿
者若是其切而何卿之不體予意若是其忍耶靜言思
之只增愧慙矧今予一人不吊于天瑯瑯在疚未堪家
多難世子亦年尚幼冲輔養日急方將置卿於經幄書
筵委以啓沃輔道之任此心耿耿不啻飢渴而卿之去
適當此時無乃以予為不足與輔而有是勇退之計耶

子一人雖不足與輔獨不念世子輔養之重耶 先王在天之靈其有望於卿者豈不少卿可忍負之耶 梓宮在殯上下遑遑卿不可以一向引退為義願卿追思我 先王無弃予一人幡然復路乘駟上來以副予翹企之望

又

閩卿不來良用缺然昔疾今愈無所嫌於出吊故古人之不疑况來會 先王之葬仍輔寡昧之政乎卿其調理乘駟上來以副予望

寒岡先生年譜卷之二

寒岡先生年譜卷之三

附錄

祭文

遣禮官致祭文

光祿

維萬曆四十八年歲次庚申八月丙午朔十六日辛酉
國王遣臣禮部佐郎李惟一諭祭于卒叅判鄭述之靈惟
靈英才間世孝友出倫弱冠志學遠慕古人尋師求道
不惑他岐精思力踐惟日孜孜謝絕紛華不屑科業上
蔡切近與叔敦篤確然有立不可撓奪先由年旁招
隱逸首膺召命始離巖穴暫峨易冠登典州邑出作

藩垣入司喉舌清白自守一心徇國才無不可所至有
聲走卒兒童孰不知名逮予初服擢為憲長無輔音官
冀專教養遭家不造憂畏孔棘卿時上童披露所賜旋
歸故山講學不輟慈闕丹忱雖老寧弛歲在昭陽又進
封事開曉義理辭意宛轉儒者氣像此焉可見緬彼丘
園水秀山明閑中靜養謂享遐齡那知一夕遽失老成
晚聞凶耗若堂已封追惟往事悲緒纏綿區區賻儀詎
展誠衷茲遣禮官陳此訇酌不昧者存庶幾來格

弘文館

理寺光
澤行

遣禮官致祭文

仁祖朝

維天啓三年歲次癸亥六月庚申朔六日乙丑

國王遣臣體曹正郎全湜

諭祭于卒

贈吏曹判書鄭

述之靈惟靈屹然一世之望既作醇儒寵以二品之官
仍鑒覽卣降茲休命冀乎有知原夫小微降精清洛鍾
液心潛道腴超然無慕乎外脚踏實地卓爾有立乎中
規模繩直而準平際會機鳴而籟應凡歛聲敵之發無
非學問所推屬戊申癸丑之年有國家人倫之變兩創全
恩之訖直氣寒朗後一人平生辨奸之明先見老泉與
並表純是夷虜之世截然砥柱之功大音難諧同古磬
之沉泗清標誰挹有百梅之滿園世道否泰之相乘以一

身而自任節文詳略之有異輯衆說而折衷言念斯文之衰式至今日而甚道之將廢未盡用其才今也即亡不同時有歎典刑邈矣懷想慙如嗚呼紹往開後既有衛道之功致祭加階宜示崇儒之典

弘文館校理李俊行

士林祭文

張顯光

嗚呼哀哉生乎季世而有如先生安可常得其儔匹發諸夏賢等之古人亦不多讓其履道之貞吉夫道之在宇宙間其理則一地焉有內外時焉有古今理自是無內外無古今如一局如一日故不待文王而興者何嘗地與時之有必雖其造詣成就之業或不能皆至且脩

蓋上同為豪傑中之甲乙惟先生早自有見於此理謂
聖賢可推而遵通知真儒事業在博學與篤行所從事
而孜孜者義理之窮踐履之實士趨失正多由於應和
遂捐舉業而志益專壹固惟氣質之秀異豈上無自其
學術東賢正學至寒暄而篤實先生為其外裔即餘訓
之有鵬承正論於頭流所以對立者如柱得礪聞的旨
於陶山所以契悟者如入蘭室歸而更求諸六經四子
相傳之心法已定之繩墨無非可以自會自律考惕果
為為仁之本推之為百行者誠若根深之木自有枝葉
之茂密充養既積磨礪既深坦夷樂易之辭氣諄諄乎

其盈溢人猶畏溫中之厲不猛之威雖被親愛而不敢
狎疆千載絕學至程朱而復明篤信其說擬神明之可
質尤留入於禮學三千三百本末之俱悉我東儒先雖
未嘗不講於禮槩不過乎擬晦庵家禮而略自循率而
先生博考于經傳子集又必參商註疏而括出五禮之
錯綜乎家鄉邦國者固如網舉而目張無不燦然其天
秩通來士子之得知夫冠昏喪祭之不可無儀章度數
持文相講臨事相質者莫非先生之唱帥倘祥林泉道
遙觴詠每在於風花雪月之辰實無冰養德之地雅趣
之適而有以宣暢其堦室召集朋徒攷校書籍不輟於

疾病沉呻之際所以薰陶於範圍之中使之開發其
心思防閑其流洑真西山心經一部實為此學防川之
柱指南之車而欠其補註之未盡則遂為之收取先儒
之片言隻句有以發揮乎三十七章之義者無所漏逸
五先生論禮之說得以推明羽翼乎聖人制作之本義
者患其散漫於各書則於是乎類輯篇排會聚於一秩
之中而節文儀則森列畢備是豈尋常之著述此正先
生之真事業非不得展布於斯世何歟夫此得彼失至
於歷典八邑之小績爵至二品之浮榮自是先生之餘
事外至何足為輕重有無於大業之始卒若夫望君亮

舜隨事盡誠之志確確乎有所不畏於斧鑕惟其汎愛
包容無接不厚之德惻惻乎常情之所不及恤顧惟愚
庸早承贊托之義視實並於子姪疾患頽靡緣不得執
經於函丈涵濡滋益之恩何可量以斗斛斤鎰嗚呼哀
哉每於拜接之時語必及於不知巖肅之靜謐而曰吾待
得此病少安時節稍平方春流微漲或秋波澄涵即不
煩外客携此間冠童六七登片舟於琴灘泝洛江而引
綽止繫於不知巖畔坐虛堂而鳴點瑟終必曰此懷之
其果得以遂之耶或示丁寧於札筆今焉已矣永為窮
窮之一恨誰從造物者而致詰追即遠之靈辰莫與清

與簋餞冀昭明之垂歆情莫盡而言畢嗚呼哀哉

又

鄭經世

天鍾淑氣英粹醇溫篤學好古有本有文爰初弱齡志
在遠大內敦所好寧慕乎外 國重科選士榮釋褐萬

馬雷奔兩脚山巖杜門永志致禮治躬蹈繩鳴玉右徵

左宮

穆穆先王寤寐英賢遙遙九臯鶴唳聞天東臯

翼翼席珍有價匪我求人人實求我歷職中外令聞四

暢達有所施人下失望 兩朝恩遇一片忠赤責難陳善

老臣心切有告於 前動引堯舜莫如我敬其忠進進

道與時乖心焉有憂奉身而退如潦則休淒淒初服爰

得我直日長山林圖書滿壁優游卒歲貧不改樂末疾
偶嬰謂必勿藥天何不憙德星遽淪儒林厄會正月甲
申遠近同悲愚陋則偏超隅覲德非角之年丈席雖阻
高山實仰禮疑有問丁寧拑掌曩忝玉署公在銀臺地
禁職親時獲叨陪 經帷一日同備 顧問 王音琅
然疑及茲遜公時數對理明離死 宸衷默喻僚席心
歎由今繹思愈見親切緬想風采豈可再得屬茲屏伏
欲跡窮山方追咎愆遂斷往還相望數舍夫豈遠而出
門畏人我生孔悲病不省問致不奔赴攀轡醉觴亦借
人手此懷之苦不亡者知形留神往宸常于詞嗚呼哀

武

又

申湜

伽山鬱弗洛水清駛篤生異入資惟間氣英資超邁
贊溫粹爰自志學知有為己絕意科目專精義理功加
慎獨學要近裏尋師取友永道是惡德山大谷之靡不
及退陶一曲洙泗真源訖而正焉所聞益專蘭香自聞
鶻言入谷擢置臺端為世矜式乎如權知確乎其志不
仕無義牛刀屢試召入銀臺嘉乃懋學出按巡蘭風化
是責再把南麾惟意卷舒歸來一室左右圖書嗣服初
年求賢側席起公都憲調護無托片言驚世狼跋而南

困石提藜畏譏憂謗朋來自遠非樂伊懼白髮紛如丹
心益苦提經獻規猶復惓惓十行溫溫足見聖眷新結
茅廬泗水之流俯仰天地為一閑人奚其為政尚有典
刑何天不慙遽夢兩楹士友肝摧儒林氣索已矣斯文
死灰難復禮書編成宛然手澤門無直卿誰使之續嗚
呼哀哉余以孤陋自知寡與惟公不棄猥見獎許四十
年前辱與之遊向來離合一何悠悠磨肥鳳池肝膽相照
緒經天祿資益不少進退殊途渭對江雲高山景行馳
仰徒動粵在前歲我朝天闕公寄書來為求醫訣知公
此意夫豈徒有活國醫民道無二致所以古人靈祠禱

止公計至此惟其戚矣白者相思青眼無從兩地襟期
只憑鱗鴻頃有疑問且求齋箴公答公題在道乎沉聞
來懊恨擬再請益何意如今幽明永隔我病經年公計
遽聞心驚膽喪第切哀殯非夫人慟為吾道痛千里緘
辭一觴代奉書不盡言言不盡意英靈不昧其庶鑑此
嗚呼哀哉

又

門下生崔覲

天地之元氣著於四時國家之元氣依乎君子天地之
於萬物生養焉條暢焉成實焉者氣得其和也氣不能
常和而風霜以凋落之冰雪以戕鑠之萬物幾乎絕滅而

此氣歸於本根藏乎地中以基生養之根抵焉君子之
於時也亦然其得行於世也紀綱立焉政教明焉群材
畢舉而庶績成焉不幸而不用於世則頽然遜藏乎山
林江湖之間而不與於時事儼然獨處乎濁浪奔流之
中而不變其所守修潔其身講學明禮若無關於世道
之治亂而亦未嘗不聞焉不言不動不煩誘掖而薰風
醉德有不能自覺智者知其方勇者超其義賢者友其
道愚者有所畏而不溺懦者有所恥而不為不肯者有
所畏而不敢間有松淑之徒傳習其說以繼後來之倡
明焉世道賴以維詩而人心不為禽獸者是誰之使然

歟然則是氣也不在朝廷則在乎山林不行於時則行
於後世或顯或晦而終不絕滅者非依乎君子者乎昔
歐陽公之歿也東坡蘇子以文哭之曰公之生也如大
川喬岳不見其運而功利之及物者不可數計而周知
公之亡也如窮山大澤龍亡虎逝變怪百出舞魴鱉而
號狐狸嗚呼此歐陽公之氣隨存而存隨死而滅蘇子
之所以為公私慟哭者然也今先生之存亡異於是焉
存能扶世道而淑人心歿猶習其學而傳其後人紀猶
有所植公論猶有所倚譬如日星雖匿而餘光猶燭人
得以尋識路徑於幽暗之中而不陷於虎豹狐狸之穴

此先生之氣不待生而存不隨死而亡公私悲慟之中
猶有所慰幸焉爾先生學問之精粗造詣之田地非膏
學後生所能摹像而槩以一生用力之勤持守之固而
著見於動作言語之間者則溫然而春風襲藹然而德
容睟斐然而文理到斯豈非好學好禮有德有言之君
子耶況乎以豪邁之氣而折之以禮義以俊逸之才而
韜之以敦朴慕高義於桐江尋道脉於雲谷講而求之
好而樂之不知衰白終老之相侵先生之所得不既多
於人乎故其見諸事業者撫字百里則民樂絃歌之化
獻替九重則乃嘉啓沃之忠專制方面而公黜陟之

典持憲霜臺而明用法之當以至灑血抗章優容以亮
舜之道辭組歸田爭致其考問之禮雖不久於朝不幸
其施而安危之重表率之望恒存乎一身畢竟優游閑
靜之地逍遙湖泗之上無溫無悶自樂義皇之歲月則
天之所以享先生者亦不可謂不多也惟余小子歆德
慕義蓋有年矣而搢衣承教未得其依幸而汨沒顛躓
之餘得返於草澤之中天借五六載之閑使得罄折於
泗上之門屏一至再至三至而不厭屢承謦欬之音時
聞錫誨之語向之歆敬慕悅之誠庶遂其親炙之願而
不幸先生遽疾沉綿良藥莫效然而所恃者神氣充然

卷之三

六

酬酢如常日與諸子講壇不輟意者神明或為斯世斯
文而有可扶護也那知侍講之筆未續而均天之詔忽
降不念斯民之無祿而厭世而長逝乎嗚呼七十八年
非不壽也而其悲山樛之摧百谷謨言非不盛矣而莫
保回祿之餘士林之痛庸有極乎尚幸心經有解禮說
已成授受之微言從此可尋衆說之異同從此可定先
生雖歿而道則未亡國家之元氣終有所託而起我後
學其不在茲乎嗚呼去歲十月告辭而返三盃餞是尚
歎不滿今歲之春哭送靈輜拜領一觴莫見其嘗嗚呼

哀哉宇宙茫茫

又

門人黃宗海等

吾道之東自我箕子禮樂文物號稱小華羅而洎麗豈
無豪傑學能為己曠世無聞烏川唱先四賢綢繆猶未
大聞有等其人天生退溪大成斯集束脩諸彥輝映光
塵惟我先生克紹世嫡天資渾厚稟質純剛霽月襟懷
和風氣像早自惕厲不屑科程脫落願波汗馬心地芻
豢性理觴礪典墳積歲磋磨得弗措羹牆著錄體驗
收功顏勿四非曾唯一貫躬行敬義齊昭明誠表裡交
修知行互進酬酢萬變聖賢楷模出處行藏惟義之比
毀譽欣戚一我靈臺側席先朝羽儀丹陛難追易返

龍德美為遠事嗣王陳必克舜納君無過漸漸其忠身
危道窮操履彌篤自反而縮群議何傷素位而行不知
不愠非欲獨善惟道殉身爰卜幽貞于彼散地山連雲
谷水是泗洙四壁圖書一心向道精思力踐造詣益深
衛道開先擴其未發因才牖後叩其兩端先生之心關
閩瀛洛先生之德北斗素心宜享期頤以壽道脉云哉
永叔夢奠兩楹宗海等買犢小儒雕蟲末學久仰德範
無路及門歲在執徐德照湖分始同張繹獲拜伊川互
鄉得師漸入向學繞閱數稔言返南鄉及夫戊申再駐
軒蓋雖愧立雪咸喜坐青前後樞衣古今問禮叨陪銘

寫作為成書親炙既多飽德亦久慙慙小子孰不冒新
至真禮儀曲垂鑄誨委巷受賜奉先罔愆自此周旋展
不失墜一隅函丈十二星霜曾不相忘鼎鼎書札環顧
不敏撫躬銜恩其在晚年縱嬰二豎神明所相不至沉
綿德容猶前道體無改南望相賀謂幸斯文元不懸遺
遽爾大病蒼輿已失有疑何稽梁木既摧寧子安放道
學之正行誼之高已矣難追卷中前哲天喪之慟殄瘁
之悲血氣所同非假私哭日月流邁窀穸有期生榮死
哀奔走多士夫子之葬越人猶觀矧伊吾徒敢闕執引
道途脩迤不克齊趨千里哀誠一人是托奠雖菲薄情

在荒詞不昧者存冥賜昭假

又

門人李厚慶

聖學既遠大道晦塞競尚葩藻爭馳利欲淳風日弊人
鮮踐迹不有英傑其何奮發符歟先生間世挺出資本
高明量又闊廓粹若精金溫如良玉志學之初徃從德
溪詞章燦爛朋徒推躋幽蘭避轉獨鶴超雞嚴素舉業
脫洒世習年未踰冠厲志道學衆方驚異自信益爲淵
源深遠來自寒賤不顯其光遺韻尚存樞衣退陶心學
斯質切問近思求道益密執贄山海景仰壁立承訓惺
惺學之不及知見益廣刻勵傳言敬義明誠文修致力

動靜不憚表裡相斂魯鄒的韻洛閩嘉說寤寐興言恍
若衛越潛心實體毋怠毋忽乾乾惕若始終如一德盛
心下道尊禮恭貌莊體胖志定神冲仁孝忠信可質神
明予諒豈第見乎至誠超然高蹈展也大成玉韞山輝
聲聞于天徵辟雖勤辭謝愈堅絲綸鼎來睿眷彌切一
起登對感顏咫尺天德之要王道之原義利之分師弟
之源酬酢如響敷奏丁寧至尊虛受百僚聳聽把符補
外懇懇輸忠正笏立朝謇謇匪躬設施言論一出誠懇
兩朝顯擢寵榮殊渥難進易退君子之志安我素履富
貴雲視行藏以道去就惟義歸來故園寓意山水婆娑

擢淵棲遲武圻主管烟雲恣賞梅竹勝目前川冠童孫
先風花雪月幽趣無邊萬物靜觀境與天通四時佳興
樂與人同優游忘老爰得我直晚卜琴湖泗水之澳堂
扁景晦齋揭持敬欽斯承斯動遵先正明窓絕塵淨几
薰爐深衣幅巾左書右圖聖賢風範言仁有錄發揮心
經編輯禮說推闡啓鑰以惠來學倡明扶植道脉昭晰
儒林仰止泰山喬嶽身處江湖心懸紫極瀝血封章屢
叩閭闔危言雖凜聖恩猶優夷險一節進退均憂嗚呼
哀哉一疾沉痾六載將息矣歿莫效瞑眩無益去歲之
秋試洛椒溫雅侍拜月就養晨昏神觀雖勞志氣則強

冠襟必整應接循常謂膺眉壽遠至耄期寧料一夕天
不慙遺寢疾繞聞哀音遽至百里奔赴襲歛已施憑尸
失聲徹泉哀淚山頽梁壞小子安放教缺言湮後學疇
伯慶也無狀已卯趨隅叩竭兩端誘掖昏愚開示入德
如親諸掌清晝講論疊疊敦獎中夜喚醒眷眷清響溫
恭遜順弘大寬廣八介字訓實我藥石樂育不倦夫子
懇惻服勤無隱小生分職欲報之德東海莫測每荷謨
諄許以連牆中心耿耿恭倚何忘有志莫就終天憾懣
萬事已矣無路卒業長號莫及孰知我悲日月迅速即
遠告期風烟慘色山浦哀思敬祖陳辭千古永訣明靈

不昧廢散洞酌

又

門人李潤雨

惟我東方僻在海隅箕疇世遠道學荒蕪圃隱有作命
世真儒誰的其傳寒暄是承潛心小學進退規繩一辨
香傳寶惟先生蘭茁其芽才豪氣英爰自髫髻岐嶷夙
成粹如精金溫如良玉資稟既異充養有得早從德溪
憤排求學學以為己取棄舉業精思力踐朝夕對越執
贄陶山大道始聞吟美以歸其樂欣欣聞風山海東脩
是將高山景行千仞鳳凰所聞益高所見益親乾乾夕
惕日新又新知行兩進動靜交養篤實輝光面昨皆益

一時儕輩歛衽推先忠信篤敬倚衡參前子諒孝悌鬼神可質秋月冰壺清通洒落珠歲澤媚聲聞上騰弓旌鼎來恩詔有徵不仕無義幡然一起延英登對陳說義理至尊傾聽具僚聳驚百里分憂四境又平一戴易冠小官肅清出奠藩邦留詠甘棠入掌絲綸恩日贊襄當乙卯初年首加延訪春宮之輔烏府之長正色立朝朝野想望進難退易歸意莫遏角巾東門正馬行色郇山之下虎溪之邊三逕就荒一室蕭然富貴浮雲家食是安雲山烟月飲我考槃我簞我瓢或採或漁優哉游哉其樂只且江湖憂國一飯不忘剝肝瀝血築封危章謗言

卷之三

盈車聖恩彌乾晚卜藏修于泗之陽草屋寥寥左圖右
言研窮道妙日居月諸發揮心經編輯禮說提綱挈要
指南來學暮春三月春服既成花外小車于彼郊坰川
流始達草木向榮萬物靜觀一團和氣忘老軒中景晦
堂裡深衣大帶幅巾方履德並年高今聞不已一感風
痺六載林薮賢窮技殫藥石無益溫并散泉幾勞沈沐
天不慙遺遽啓于足林亦月悲賢愚其惜識與不識莫
不慟哭鳥獸草木皆懷慘惻小子無狀早業科程度脚
塵遂虛過半生晚登門墻叨承撝掖不謂慳慳開示悃
幅春堂晝靜秋齋夜空論說從容亶亶不窮人倫之正

王道之中出入古今治亂興亡義利邪正進退行藏靡
不講究盡入思量誨誘諄諄明白剴切雖甚昏愚亦知
警發我官于北過薜蘆谷開酒送我辭意懇至臨別慙
慙所最惟義我滯龍城五經寒暑翩翩書札款款誨語
我來自北公已在病筋力雖萎氣血猶盛容貌必莊衣
帶必整夜雖呻吟晝對書冊編書講禮終始不輟接人
論學敏勗如一將期百年以卒其業鬼惡天高胡寧忍
此孰解余惑孰發余志過將誰砭疑將誰問呼天不聞
有淚空隕嗚呼奈何已矣已矣卜鄰舍傍夙願已墜築
室壇場素計難酬一觴長慟天地悠悠靈其不昧其知

也不

又

門人金鑒

西原鄭氏東國顯閥代有偉人世纓組紱積德之應維
岳降神篤生夫子絕類維倫曾無君子斯焉取斯緬惟
寒暄百世之師倡明道學扶植倫彞竊歎先生是為外
裔有的其緒式克善繼天資近道兒戲禮容氣宇精粹
水月襟胸早脫科臼志于正學尚友千古圖書一室俯
讀仰思心法鄒魯忠信為本敬義為主行先孝悌動惟
規矩涵養本源刻厲堅苦依仁據德學已深造進進不
息就正有道兩賢一時冥翁退老負笈陶山正脉是接

樞衣山海高風是挹講磨切磋淵源有自真知真得脚
踏實地道德積躬在邦必達幽蘭空谷馨香自發聲聞
九重東帛幾幾禮羅豹隱榮溢鵷班延英晉接遇主無
咎不仁無義出而佩綬歷試諸城絃誦洋洋生祠頌碑
亦有輝煌宣化關東遺詠甘棠擢入銀臺司其喉舌出
納惟允咸賀稱職位亞秋官無寃於獄憲長烏府不法
者蒙著遇之恩前後曰篤展盡所學朝野共望君子大
節唯在行藏進固義也退亦義焉去就失宜烏得為賢
先生出處義之與此時乎可去銀章敝屣慕水雲丘依
舊物色歡迎僮僕怨收猿鶴一簞一瓢樂而忘飢身遠

江表志卷之三

卷之三

三

江湖日擊時危愛君憂國食舊愈切遇遯封章雖無補
益肝血攸漚聞者膽慄士氣以壯史冊增實舉世齊聲
誰識其責誠忠鯁直萬古無擬退與吾徒難起答問不
倦不屑教誨無隱望門負牆飲河充腹允矣吾師展也
先鐸好古之道屏開太極慕古之制深衣野服誠深衛
道志專纂述平生事業固多乎哉斯文不幸回祿為災
補經二部據前未發撰禮七篇輯諸儒說實裨世教實
重家國惜乎晚年嘲詆益恣事修謫興德高毀至首有
賢聖莫容皆是不容何病然後君子金鍊方精毛焚知
栗自外至者何與於己難諶者天未曉者理何物二豎

為崇六禩冀謹道雅德薰濡俗神明不治吾道之厄小
微光晦木稼已實周夢告凶秦春遽撤士慟靡依邦增
殄瘁彼蒼者天胡莫慈遺龍亡大澤鱗鱐書舞虎逝深
山狐狸夜號嗚呼已矣九原難作金聲玉色於何更接
霽月光風於何更襲事君以忠無後以得與人以恭無
後以覲修德者誰樂道者誰好學無之講禮無之巖壑
之姿今何仰止廊廟之器今何望止雲鎖武屹波明泗
水同上松楸葉葉含惻園中梅竹枝枝撼撼人之所悲
物亦皆愁小子空空半世悠悠自余鼓篋誘掖雖誠朽
木難雕呼寐莫醒一字之恩天地無窮緣我不敏志氣

昏夢受業無成碌碌庸庸但自有所期無負始終惡聲之
至思報捐躬貧病相纏奉陪希濶承教每後朋列常懷
忼然自歎無狀豈意今日永失依向尤有痛者亦非一
二始聞慙候未即趨侍既不疾病又闕嘗藥致不飯舍
飲不憑哭李路請禱我未能及拒榮奔喪我亦多愧追
隨諸子顏厚怙怙念及于此肝摧腸裂我心之悲曷有
其極祖奠在前遠通咸萃恭陳作薄文以代贄不昧者
存庶鑑誠意

又

後學柳於

天有奎壁分稟其精也有河漢分鍾其英清標工潔著

德蘭薰草自得師立雪溪門動靜有養表裡交修學將
而正理微必求進德之誠至老彌篤衛道之功昔賢同
列進位於朝國倚著龜忠言嘉謨植倫扶彛退講于家
為世儒宗秉義明禮啓發昏蒙斯文未喪正脉在是小
人所畏君子攸恃孰謂一疾遽促大期吾道益孤我慟
非私嗚呼哀哉窮通一夢芳猷千年後而不朽惟聖與
賢先生忠義昭揭宇宙先生事業仰若山斗瞻彼湖泗
維水泱泱淵源有自永流東方嗚呼哀哉昔我先君生
並一世聲應氣求道合心契逮余小子又獲考德一違
鳳儀屢換榮華山川悠邈疾病纏綿縱闕負負切慕

羶云胡不淑而有今日歿不舉棺病未啓足奔赴後人
死有餘責單杯薦廢有淚盈襟惟靈不昧庶賜鑒臨

又

清安儒生延忠秀等

麟絕魯郊鳳寂周岡長夜不晝德星無光迄于衰叔孰
啓昏蒙倚歎先生實我儒宗早自惕厲長益篤實泐川
遺訓陶山正脉孝悌先務學文餘力參乎三省四也四
勿研從物上搜自源頭知行不進表裡交脩純梳肯綮
鑽仰高堅提挈綱領理會魚爲蘭不掩香玉未韜輝在
昔牛后有喜同時誠深悃室望以輔仁枳棘屢棲去來
羣鶴觀風一節識猶舊域俄膺宸管泰正義晝發揮文

象考證傳義仕學俱優允矣君子遭逢聖明擢拜風憲
力排群議獨持正論唐朝一鳳宋殿孤鶻蜀日見怪齊
曝無益竚瑟異好桐鑒難合一作冥鴻永辭鷄肋志安
素履身返初服瞻彼泗陽獨樂其園仁山壽壽智水源
源持敬名齋執禮雅言條分節文推演儀則編為一部
述而不作西河設教湖學遺法啓惟孜孜擊蒙拳拳育
民自述列屢滿千士知耶趙入樂為善曰我清澹道之
云遠鄉無矜式學類牆面魚行不早燕說何補擬進舉
比一辨帝虎薰德未及易簣何忙士悲山頽國轉鑑亡
庭草皮翠座上春寂兀有血氣尚知匍匐矧民維旅孰

後奔哭於何考德小子無述慟係斯文哭非吾私哀奉
已經悲慕曷追遠具時着恭進哀辭鑑茲微誠庶幾格
思

川谷書院從祀時告

程朱二先生文 張顯光

宣明大道長夜復日結開偉業前後揆一光被海外仰
岩兩曜既列諸賢庶享文廟地名興思別崇院學川焉
谷焉宛想遺躅如就門庭如承几席從以鄉儒亦有成
式夷夏同天道至今昔近有鄭公早自私淑存心遠大
律已絕墨尋究淵源知有準的本院建設多公規畫宗
尚正學表章興義可擬升堂不殊文侍事宜躋從人無

異議茲卜吉辰告以即事

告先生文

斯文寔幸公出吾鄉生有異稟妙齡知方絕意世累時
身時趨學頑正學儒必真儒身東心夏生晚慕古動思
繩墨事求規矩排人笑侮堅自堅立不挫不撓日乾時
習寒暄的訓退陶正脉親切服膺就正心得謂宋諸賢
實續墜緒取讀遺書誦詠嚙咀求端用力指掌提掖益
於二子不啻親炙周經直方魯論博約一心從事終始
無射道本孝悌德主忠信講明禮學必遵必慎聿考經
傳究廢本末以身以家餘範傍達冠昏喪祭人見古儀

遠通承風爭相質疑有陳于君亮舜之道或施於民化
洽幼老歸慶閑中留意著述發揮心經詳備學術會通
禮說五論歸一允所修明皆縉絕筆惟此事業實祖伊
洛尚德報功禮合崇尊并從兩賢達我寒暄源派緒華
互彰文輝後學承事永有依歸

繪淵書院奉安文

惟我先生學承先賢道合隆尚士論同然奉繼寒暄躋
享川谷淵源有自進巖來學鄉復共議吾黨親炙餘教
在耳曷時有忘遺澤存身思切羹牆特地仰誠別廟香
火清平罔已義無不可相此繪淵曾是高築地通岡原

望雲齋額春雨秋霜存省攸跡縹嶂臨流百榭脩竹於
以畜德於以講義盤桓得意遵養樂志何丘何石有非
留馥顧瞻舊園猶存手植立祠致虔事理允恰不龜不
筮咸曰其地公私集力堂宇既備頃值邦挽舉禮不曠
茲焉寇退兵馬既卸趁辰消吉正位妥靈溪山依古敞
新階庭豈但今日如侍門屏後學百世知有軌式敢用
茲芬德容宛接敬伸陳告庶幾降格

春秋享祀祝文

維某年某月某日下支院生姓某敢昭告于先師文穆
公寒岡鄭先生代以禮教躬先正學心專餘範在邇享

儀無愆茲值仲

春

謹以清酌翰音饗盛庶品用申常薦

尚饗

遣禮官致祭文

今

上朝

追錄故在篇末

維歲次戊午三月壬申朔二十五日丙申

國王遣臣禮曹正郎李尚悰

謝祭于文穆公鄭遠之靈

嗚惟我卿天與美質妙齡秀發從事於學淵博古訓往

履造約寒暄遠範遠陶正脉規模齊整准平繩直表裏

光明寒江秋月絕意名塗玩心理窟允遠於禮大由是

執精研儀度發揮太極名澈

楓宸

宣廟側席密勿

經幄昭融契合于內于外無施不適適時昏黜三綱戰

絕卿獨壁立金矢貞吉全恩兩劄直氣烈烈退修初服
臚迪後覺居今行古勇莫能奪耳目於人衛道功卓於
皇仁考景想曰篤爰錫義謚以旌懿德不顯惟文允
副行跡天何取義而不恆勤學好問是卿一節予以
擬議若為髣髴式至于今輿情猶鬱縫掖齊聲千里叫
闔予邇風烈典刊猶昨崇章之典豈容欠缺乃就舊謚
按蹟陳列道尊德成學博聞洽文不在茲義乃自別昭
斯易名展也紀實大宜受大士論舉翕茲遺禮官敬薦

洞酌

弘文館校理
李鳳徵行

賜額時致祭文

肅宗朝乙丑秋追刊

維歲次庚午十二月

國王遣臣禮曹正卽權萬濟諭祭于先正臣文穆公鄭
述故叅判金字顯故叅議李潤雨之靈聖祖作人時
則濟濟並世同并接武聯袂闡明儒術倡率後學餘輝
遺馥赫若前日曰維文穆淑氣天鍾篤學好古致禮治
躬內敬外義左規右準體用兼該知行並進響紹寒暄
嫡承退翁發揮經禮牖啓羣蒙望君克舜亦其素蓄
進非枉已退豈忘國誠深責難義正扶倫繫卿之功靡亶
斯文亦粵東岡質粹資深雪月其皎松栢其貞究心古
道用力經學既有自得重以麗澤匪義何服匪德何勉

儒林山斗播紳冠冕劉坊章奏庶幾謨訓至若侍郎從事師門面承旨訣學有淵源飭身修行蹈繩遠足仰見昏朝功存禮說惟茲數臣出類拔萃揆元都卒卓絕誰儼於紳永慕愈遠不替即於儻所舉俎豆禮檜川之上儒宮翼翼儼列並從宛若平昔 恩額久曠邦典有缺緬懷遺風肇錫嘉名茲遣禮官薦此肥饗不昧者存庶歆尊鉶

易經

卷之三

易經

卷之三

易經

卷之三

易經

寒岡先生年譜卷之四

輓章

侍生李元翼

教弛經殘聖學湮斯文何幸有斯人立朝致用忠而正
建塾開來篤且純峽裡多年思不歇嶺中千里接無目
他時泉下如承謚景慕平生志可伸

又

眷生沈喜壽

西原冠冕擅予鮮奕世名臣幾葉連星岳降精迎國士
雪岡鍾異挺儒賢灰心塲屋追無悶立脚彝倫誓不遷
俯讀義經編屢絕坐耽麟史榻常穿功存虛靜應超俗
學到明誠肯雜禪冥老高風真可繼陶翁正脉最堪傳

文華著外輝奎宇忠信閔中藹德淵逝彼馨香來魏闕
勤斯東帛賁林泉澄清美化甘棠下啓浚嘉猷鳳沼邊
恩重兩朝宜粉骨禮成二讓盍歸田孤蹤已歛觀願
後尺疏還封遇邇前州郡設旌思往迹江湖憂累屬殘
年兢持純熟頌更爾嚴厲和平始卒然耿耿丹衷仍臥
病蕭蕭皓髮遽登仙愛君如父能全節鼓缶而歌即順
天獨子云亡雖子子諸孫餘慶必綿綿我於令仲非凡
契公與畸人屈好緣四紀仰山傷闊別一春瞻斗痛長
捐先碑有託終相負哀謀難工只自憐欲奠生芻豢千
里夜臺歡會行隨肩

曾於聞計之日口占一絕而哭之今并錄奉詩曰
南嶠多賢二百年龍亡虎逝亂離前只餘岡老今何
處山浦哀思寂寞邊

萬曆庚申二月下澣眷生青城沈喜壽再拜哭輓近
卒寒岡老先生靈輜嗚呼痛哉

又

姪婿張顯光

山川儲淑應時全生我先生豈偶然世晚不嫌修古道
地偏誰禦作通賢志由伊洛窮洙泗業把經綸附簡篇
用捨行藏元有數斯文興喪奈關天

又

後學李好閔

築室梅花下山林講學專平生守約地刻苦用功卒天
爵中仍至儒名晚更全東南先正緒百世見遺編

又

李先庭

南州鍾間氣東魯挺醇儒正學傳陶訓真源派孔洙園
梅同臭味庭草看榮枯心上工程密閑中道德腴知行
無致力體用認相須歷試民情悅登庸邦憲扶謨猷期
稷禹禮樂想唐虞肥遯初心遂優游與道俱病日憂國
若忠為戀君孤牀下屢還擲楹間夢忽符更誰開後學
重使哭吾徒碩貽曾偏厚懷思每自紆幽明永阻隔存
沒足嗚呼尚忍題哀輓舒殘淚已濡

又

韓浚譙

王帛徵賢憶昔年麻衣初惹御爐烟
寧王前席延登早當守承符獎擢先恩遇
兩朝稀簡策聲名四紀動
林泉誰知白首窮研地正在顏回復禮篇

自識儒先近卅年中間湖海隔風烟
承綸秦塞移書數賜珙湘潭荷問先
千聖言論窮泗水百梅消息在寒泉
平生遺恨祠堂制未辨朱門第一篇
聞先生講道泗水之上而百樹梅花乃在寒泉舊業蓋寒岡即先生取義
寒泉之名云不便方奉質家禮往復未竟故篇中及之

又

趙振

丁卯之初冬後遊亦樂中聰明推第一學問已精通元
元常窮理孜孜每省躬自期尋正脉畢竟託儒宗晚歲
尤勤誨斯文恐闕功愧余誠未逮慕子志相同運去嬰
寒疾樛摧慟道窮哀辭題短幅哀涕洒南風

又

徐潛

儒宗盛南服寒暄聞其源退溪振于成師道最為尊先
生早承誨禮易尤所敦專精務折衷玩象探天根含章
以時出玉佩紉蘭蓀末路諸老逝學子昧本源趨向漸
乖張滅裂難具言年高德彌邵砥柱狂流轉歸然魯靈
光風雨亦不騫懸車入山深道亨身遇古講廟猶不倦

樞衣競登門孜孜辨義理拯溺以手援伊余夙所慕東
西官序昆雖免了翁恨困蒙難開昏云何樛木壞欲哭
復斃吞茫茫立窮途此意與誰論

又

朴而章

氣魄稟天誰敢過聰明拔俗孰能同曰心孝友非由外
爲國忠忱實自中業在演經心轉小功深讀易智彌崇
清流白石供生事晴晝爐薰喫主翁儀曲暮年勤纂粹
著龜千古腐昏蒙忽驚精爽回長夜痛哭斯文喪我東

又

鄭經世

山海臺中待燕申天淵臺上挹陽春深衣大帶端行士

正色昌言直道臣者造遽亡傷殄瘁與刑雖在漸荒泰
曾聞禮說編摩就沒世猶能惠後人

三百三千禮典儀可陳其數義難知關中學者無張子
湖外先生有翼之古道未能為木鐸羣賸猶得仰金篋
山頽此日堪長慟懔陋何從問所疑

又

申述

三達無全一代尊五賢之後幾人存高名山斗知何用
至樂簞瓢矢不讓滿壁遺書輝古跡長空霽月是還魂
龍亡虎逝公私慟泣向南天未敢言

太學書中慎獨知工程惟在審其幾關頭血戰堂堂陣

軍心霜嚴勿勿旗天爵修來人爵至私心克去道心輝
自從一二先生死無復言論講及茲

又

李粹光

天欲斯文喪公胡不永年詩書三禮學德行四科先氣
脉寒暄近淵源退老傳和容春有脚清意月無邊樂道
追顏子談經陋鄭玄一言期報國萬事竟歸田得失身
何預窮通空益堅丹心天北極白首洛東偏理勝身雖
旺年高病未痊即今無耆老後古幾儒賢篋有新成稿
床餘舊帛絕編淒涼函文地慘悽早梅天後死嗟誰與吾
生辛宿緣銀臺曾寵渥紫禁共聯翩形骸慚珠側行跡

槐批前

往在乙未先生拜同副承音時
余以古承音為同僚故云

開懷何款款吐

語無拳拳契濶音塵隔乖離歲月綿山顏還一夕玉折

遽重泉道義將安託推傷祇自憐空題薤露曲無路奠

靈筵

又

後學尹昉

今世無聞道學名先生獨以六經鳴大為天下東南倡

擎得人間棟柱似俗學漸還知所向微言終不誤諸生

祇今唯有西林月萬古長空一片明

又

後學鄭麟

陶山明月照寒岡獨立蒼山傲雪霜遙想溪邊吟弄處

春風依舊石梅香

又

後學李竣

禮教將衰待我公於衷諸說道群蒙門開通德文方振
人去新安道又窮筠史高名應仰斗栢臺清節想生風
袖中一瓣香猶在倘記他年范伯崇

知道非難入道難功程早逐上頭開曾拋栢署飛霜筆
却把苔磯釣月竿清泗行看重獻磨大卮誰料忽摧山
典刑何處瞻光霽書札空悲淚墨殘

又

門人崔覲

日星河岳降精芒間出人豪作世防整勅錦衣輝掩暎

周旋玉佩響琳琅陳謨不道非堯舜好禮何須雜漢唐
邦國斯文俱有賴天之將喪奈茫茫

又

黎議洪慶臣

先覺凋零大道堙鴻儒繼出倡斯文紫陽正學尋遺緒
退老嘉言服舊聞耽耽經書甘卒歲閑居林野不忘君
人亡國瘁嗟何及斗仰山高曩所云泗水荒涼餘片月
佳城寂寞一孤墳摩官未遂綿綿真面首南天淚濕雲

又

朴慶新

泗水風烟接武夷數椽精舍半茅茨沉疴自作明時棄
殊龍曾膺聖主知歌竟魯門天不慙夢回設殿夜可星

濟南社目傷心地一獨區為我私

又

後學李安訥

新安故宅里易簣又庚申以鄭康成姪為朱仲晦夏朝
廷不一日教授幾千人扶植綱常地精忠質鬼神

箕壤千年道復明五先賢後賴先生伊川舊業真源遠
泗水新居正派清瑞日昔曾參氣象迷途終欲罄精誠
伽椰山折今安仰天遣吾東不大平

又

後學權盼

大名惟一斗南人間世鴻儒席上珍學李退陶傳正脉
志存伊傳濟斯民居閑樂道無憂國處獨明誠可質神

文不在茲天欲喪公今至此夢非真寒岡落月疑顏色
泗水遺風動搢紳蘭室平生欽慕意遠題哀輓祗悲辛

又

洪瑞鳳

磨礪精金積久功發揮章牘日懸空縱然過遞名猶盛
若度觀順道不窮退隱門徒探正脉寒暄宅相經道風
斗南然古人無二須把星文驗貫虹

又

後學曹友仁

東來一脉到烏川接武相承有五賢繼起疇能遵往躅
先生最晚契真詮微言夙自雷龍得面命躬從玩樂傳
探賸多方非汎濫研窮造極儘精專初循階級期窺閭

漸到高明才雜玄疑之政由充積厚始終尤見眷崇堅
逢門原慙負何憾瓢飲顏回樂更全擬答 聖恩雖暫
出動違時好便言旋皇王事業後誰試零落烟霞所共
憐橫謗尚休雙表直衆論方正一書編英靈縱與真元
返光彩應隨日月懸勤仰斗山誠豈淺轉慙塵土撥無
緣坐孤夙尚悲窮路欲理餘音悼絕絃猶幸去年陪末
席仍消半晷寫幽情琅然警咳俄成訣宛爾儀刑忽隔
泉已覺餘生迫遲暮倘蒙冥佑少瑕愆春回泗岸梅初
動雪盡郛川柳始妍節物漸新人事異謾將長勸寄毫
宣

又

金時讓

奎壽斯文泰運回鳳凰端為舜庭來終教袖縮經綸手
始信衣難濶狹裁泗水幾年扶鼎重儒林今夕痛襟襟
遙知薄暮城邊路白馬何人解赴哀

又

侍教生李民歲

天降斯賢意庸非為救時歛躬充厥積展蘊鉅於施禮
樂後先進詩書覺後知國蒙賢士澤人得大宗師漢室
尊三老虞庭足一茲遭逢不世盛進退有餘宜妙契朱
程奧差稱管晏卑經綸寡濶久朝野起來遲藥餌須多
病精神不少衰真樞何遽夢易堂始堪疑餘緒將何託

皇穹不憖遺儒林
砥礪吾道綴繇危
大廈去其棟石
庭亡大龜餘波歸
士論盛德及民異
小子今安仰奎星
政可悲誰知憂國
淚非但哭吾私泗
水春光動星山旋
影移斯文終不墜
天意在扶持

又

侍教生睦大欽

天地精英山澤臞
堂堂文彩映冰壺
春風座上蘭薰襲
霽月宵中氣像俱
學究天人爲士則
志存經濟應時須
當年殿陞承三接
晚計四園返一區
自是閑蹤甘遠
屏不應明主棄醇
儒神明所勞身猶
健造物多猜病未
蘇生死一心懸北
極阡原新塚向南
隅傳家素業入誰

託加額蒼生望已孤
賓館酒盃恩舊忝師門
盡文禮仍殊淵渟氣度
今何在王立儀刑世更
無言卷獨留文正宅香
烟欲冷邵公爐蒼蒼此
理終難問哭向烏山立
暝途

又

門人李潤雨

吾道東來後醇儒有幾人
先生起南服美質自天真
大道闡溪上高山仰海濱
明誠交致力敬義兩相因
前賢鄒魯餘派邇洛閩
鳶魚觀理切精一用功純
西漢懷中月氤氲座上春
陰陽窮闢闢宇宙入經綸
師文淵源正文章道德醇
九重勞聘幣一起為斯民
風教似嶽新

鴻逵式摺紳江湖十年夢出入兩朝臣進退關時運
安危係一身髮回憂國白眉為感時羣北望頻封劄南
來倦問津樂山無樂水憂道不憂貧臯比臨函文深衣
戴幅巾河汾追講義洙泗續言仁戶外屨常滿門前車
接輪暮年編禮說千載叙彝倫一病捐諸子期願斯二
旬林泉助哀吟草木帶悲辛小子登門日追思似隔晨
提撕常眷眷誘掖幾諄諄義定師生分情同父子親衣
冠忽長夜天地獨傷神正脉從今喪微言自此湮有疑
無與折迷路向誰詢豈為吾私哭唯嗟此道淪平生行
樂地那忍挽靈輶

又

後學金玲

溪門當日反三隅典筆孜孜服聖謨理義恰猶蜀秦說
三島倫屹若棟樑扶耨遲荒野知天命表率儒林正士趨
斯道斯民俱不佐深淵龍去但嗚呼

又

趙綱

學到通天豈敢論文章餘事不須言深衣大帶人皆見
玉色春風道所存終老傳巖非我志暫調齊瑟為君恩
絃歌永與景歌斷昨夜寒梅落小園

獨尋墜緒接陶翁癡洛玄關再闢東游刃禮家無肯綮
迴瀾學海破長風十年林下身仍老五色雲中夢不通

顏卜修文虛左待謾教人哭少微虹

跪讀先生癸丑疏愛君忠悃古何如方知特立獨行事
政自講明羣聖書威鳳藏霄餘練實白雞占夢失靈裾
同時不得隨函文天遣莊周隔子輿

又

後學柳袞

光岳千年間氣鍾儒林事業冠吾東明誠兩進精粗盡
敬義交修表裡同繩直準平程叔子川溥海納呂成公
標摧此日將安做哭送荒原淚不窮

義玉精金間世姿擬將糠粃做雍熙誠通天地異倫叙
道合著龜進退宜百載英靈河岳在一生忠義鬼神知

哭公揮洒千行淚只為邦家不為私

又

洪鑄

先聖曾聞畫匹絹纔逾朱子指天年南遊冥海人誰並
北學陶山道益全任衆謗來心快活從吾好處命迤邐
世間事了方無憾頭上分明白日懸

又

門人朴珪衢

夫子生南紀天乎惠我東祥麟遊碧海靈鳳峙孤桐色
穆藍田玉聲諧嶰谷簫深思萬物表獨立二儀中志學
希尼父修辭紹晦翁澹然無外慕自爾覺中充查滓融
持敬清明在省躬齊心逃鬼責精義入神通後學宗師

在先民臭味同一行爲政連三接被恩洪盛際頻鳴正
危時累佩銅艱難輸悃惓契合動昭融擬釀中和盛時
躋至道盟鴻冥離鷄列龍土抱烏弓訪落新承渥辭掌
繼古風掄揚當白閣導迎青宮屢補山龍袞仍騎御
史駢孤忠千紫極萬事在蒼穹迢遞辭楓禁淹留詠桂
叢畜君心耿耿憂國意忡忡但撫傷時指寧書崑字空
鳴琴在汶泗問道隔崑崙風月心長浩江山興未終行
藏從潦霽卷舒任河隆虛室唯生白空瓢祇面窮澆書
傾鱗眼竄易點猩紅雨圓移春韭秋盤薦晚菰詩書傳
子姓名字播兒童襟韻增飄洒曾懷益裕冲暮年編禮

說數歲彈神聽今古歸商確情文得折衷夢寐呼起起
遼鶴返忽忽吾道將安放斯文永有恫遠遊孤執燭凶
問及飄蓬湖海還蕭索乾坤欲晦蒙村心聲似震回首
事如鴻舊畫餘書架殘香牋藥籠精神梅在塢顏面月
臨攏靈駕回悽悽佳城悶鬱鬱三天亦為泣三月雨溟
濛

又

門人許穆

嗟星岳之降祥乃賢哲之誕生含元精之味應羌純懿
而淑靈諒金精而玉潤是惠宇之天成夙好學而屬志
究聖賢之蘊奧克精思而沉潛茲實學而實蹈明誠進

於義日乾乾而自強既真積而力久宜仁熟而義精
窮神化而自得致廣大於精微接退陶之正脉亦有見
而知之繼前脩之遺跡聊輯述而發揮實追配於古人
前與後其一致嗟後政其詎幾曾不可以小試世與我
而相遠終未展夫素志樂天命而安義雖道否而心亨
何皇天之不憖伊哲人之云亡念微言之圯絕固此懷
之惻惻陶山藹其幽幽汾水淡其無波想英靈其有托
從先哲而靡他哀小子之無類懼昏惑而昧方幸承恩
於下風慕盛德之輝光痛儀刑之永隔悲北路之茫茫
情結其何極聊陳辭而永傷

卷之三

三

寒洞先生年譜卷之四

朴而立誣告時本州為先生伸冤庚戌

伏以一國之事不過乎善與惡而其所以應之者亦不過
好與惡而已好之而協人心之所同好則其好也未嘗不
正惡之而合人心之所同惡則其惡也未嘗不正是以
惡者必施惡之之刑然後懲惡之防立而一國之為惡者
有所懲焉善者必加好之之誠然後勸善之標明而一國
之為善者有所勸焉為善者勸而人皆知善之可向為惡
者懲而人皆知惡之可背背其惡向其善而善惡之途如
黑白之判國是由是而有明好惡以之而得正其或善善
而無好之之誠惡惡而無惡之之實在所當好而未知善

之所以好也。處所當惡而未知惡之所以惡也。則是非顛
倒。正混淆所好失而其弊必至於好人之所惡所惡而
而其弊亦至於惡人之所好。其不至於拂人性逆天理而
國是靡定禍敗隨之者。幾希矣。惟廢下少垂聽焉。今夫鄉
人朴而立性本亮。隱心又悖。惡其在弱冠之年。攔入文園
之場。投石作亂。歐罵考官。至被刑杖。竟配郵卒。猶不懲艾
則老愈甚。同井之人。視若楔榆而絕之者久矣。頃者又肆
衆穢之虐。詆毀斯文。鄭述張河。駕詆指無據。有飛謔釣誘
無所不至。奚翅噬狗之吠。旃惡鳥之嚇鳳而已。嗚呼。鄭述
之學之云。其所傳者。有自來矣。自少慨然有求道之志。往

米受業於先臣文純公李澆與間精明踐履敦篤待人以
和接物以誠所向者道義而功利之說不能淫也所主者
忠敬而言行之間皆一致也蓬蓽環堵居之裕如簞瓢晏
空處之泰然夫豈有一毫營生之計亦豈有一毫非理之
行其行已處世固無間然而惟一而立便生媚嫉之心敢
為賊害之計始加逆名莫售網打之免謀則捃摭虛偽必
欲傾陷而後已其為兇慘莫邪為下其曰豪右也陰險也
殘忍也者一鄉之會所未聞而而立乃敢譁張為幻董璽
成文以此不近之言至涸殿下之聽誠所謂欲加之罪何
患無辭者也如許等事鄉黨自好者不為而謂鄭述為之

予如使鄭述苟有毫毛未盡之事則臣等雖汗既詐一二
必不知阿其所私而厚誣殿下也又以鄭述指為無君云
夫諒闇之初不可殺戮之言同腹之間當全私恩之既
是國出於愛君之至誠而欲置殿下於無過之地也今反執
而為諱歸之於無君者是果近理之說乎此則殿下之所
嘗洞燭而國人之亦所知也嗚呼孔聖不免於伐樹膠
孟猶戒於欲害後古聖賢未能保一世無一人我惡則鄭
述之見毀亦無足恠矣第以去草萊所以長嘉禾剪荆棘
所以養芝蘭則固宜審克是非閱實曲直推善善之心而
與正推惡惡之心而斥邪如物之妍媸莫逃於鑑空若物

之輕重難掩於衡平則而立構捏之情狀之窮而畢露比
如夏禹之鑄鼎而魑魅莫遁大舜之四罪而天下咸服雖
未正兩觀之誅尚可施八刑之糾而今茲備忘記有病風
妄言置而勿問之教此臣等之所以失望而鬼蜮之所以
彈冠也嗚呼以聖之天地之大度河海之洪量獨有所見
審知不合施罰揆之以國家懲惡之典則失刑甚矣臣等
恐漢網之疎濶將自此而日甚周網之陵遲亦因茲而漸
滋終至於刑收之紊亂而國無以為國矣如使而立實為
狂惑而喪心病風而妄言則雖曰置之而勿問可也治之
而不治亦可也人皆知而立之無是疾也而自聖上下如

是之教是何殿下之於善善獨無好之之誠而殿下之於
惡惡乃有護之之迹也臣竊恐後此以後檢小之欲害賢
入者必以此為媚嫉之嗃矣而醜正惡直焚良鋤善以之
而貽士林之禍以之而致國家之亡終乃自護於病風妄
言者未必非殿下之此言為之口實也其為後日賊賢之
弊庸有紀極而尚忍言哉尚忍言哉嗚呼而三之莊駁鄭
述其與徐嘉之乞斬朱熹同一機關而殿下之臣無有如
謝深甫之抵書于地則推勘糊塗之觀察嚴議無據之左
相實謝深甫之罪人也而負緹糾之責者效三緘而膠口
居論思之地者無一言之矯非是宜高堂之士深藏不市

而惟恐入山之不深入材之不密不欲願立於殿下之朝
也嗚呼首齊桓公之郭問父老曰郭何故亡曰以其善善
而惡惡也公曰若子之言乃賢君也何至於亡父老曰郭
君善善而不能用惡惡而不能去所以亡也昔漢元帝知
蕭望之之賢而不能進知弘恭石顯之奸而不能遠則致
漢室中衰卒莫之振此二君能知善之為善惡之為惡不
可謂之不知也然徒知善善而不知好之則是無貴於知
善也徒知惡惡而不知去之則是無貴於知惡也此所以
為善者怠而不能自立為惡者肆而得以成朋其害終不
於遂亡其國也嗚呼殿下勿問之教或者近之與臣等之

所以不能無憂明危治之過計而欲其德治其衆隱也如
蒙穀下鑑前古聖賢之受勞諒郭漢三君之表亡明示好
惡之正昭雪斯文之累使鄭述下誣伸屈而善加好善之
誠以培儒林之氣治而立吹毛拓賢而快施懲惡之典以
警乖鬼之輩則人皆知為善之可樂而履仁佩義之士信
然振作人皆知為惡之可惡而專賢疾惡之儔蔚然興起
白駒無噬於豺虎丹鳳免噪於鴟鴞東海之漁父必有盡
歸之志而南陽之卧龍亦有幡然之起矣臣等無任激切
屏營之至謹昧死以聞

一道為先生神完疏

庚戌

疏者製疏門人金寧孫遜等

伏以遠之為名在國為亂臣在家為賊子常刑之所不貸
人人之所共誅故天下之惡無大於此而臣子之所不忍
聞者也聞之猶且不忍況以此名加之於身乎是故受此
名者與以此名誣人者其罪相當以此名誣人者終不能
使彼見誣而陷於自誣則以刑彼者刑此實古今討賊之
通義是豈特嚴誅亂之法哉亦欲以杜陷人之門也安有
誣人以大逆之名而獨漏其射人之影息也哉若既以受
此誣者為不可罪而不以誣此人者為可罪則臣等恐陷
人誣賢之輩自幸其逃罪而無所畏忌搆捏羅織之徒將
接踵於後日矣臣等伏聞星州居朴而立誠辱前參判臣

鄭述既無所不至甚至於搆之以遂名鄭述既受此名則
在法當死矣鄭述不死則而立當死矣而殿下以而立為
病風令勿問臣等固咸仰殿下好生之德與天地同仁而
欽恤之心遠出於堯舜也嗚呼契鄭述則問而立矣不問
而立是信鄭述也鄭述 先朝之老臣也 先朝之所
殿下而殿下倚以為重則知鄭述者殿下也其人之賢否
臣等不敢議也遂名天下之大惡而一鄉不之信一道不
之信一國不之信上至於殿下不之信不惟不之信終之
以不之問不賢而能如是乎然則殿下之於而立其勿問
者以為鄭述安有以理去則殿下之於鄭述知之果深矣

信之果篤矣待之果厚矣殿下以鄭逋待鄭逋而不以而
立治而立此臣等之所以不避越俎之誅敢陳沐浴之請
者也蓋而立以為陷人之機寧莫逆名若也有罪無罪王
石俱焚者前古同然吾之言一發而得則因之以打盡不
得則諱之而全生已欲陷賢於逆名而不知自陷於惡名
吁亦慘矣幸而其言發於鍛鍊未至羅織未密之先故殿
下猶得以不問不幸發於鍛鍊已至羅織已密之後則殿
下雖欲不問鄭逋鄭逋其不以死自白乎而立之陷鄭逋
必致致之死也而鄭逋之不死賴殿下信之之篤也使鄭
逋不見信於殿下則此日之事言可寒心安可以鄭逋之

見信於人而文而諉之於不足刑乎不問雖出於并生
之聖量而不刑亦惡失於及聖之王法也鄭述之以見信
於殿下面受恩於見誣則宜矣而文何所見信於殿下面
遭刑於誣人乎決不可以不罪無罪之鄭述并貸其當坐
之而不也嗚呼仁不可混施恩不可濫加安可以好善之
仁施之於當惡之惡安可以赦無罪之恩加之於當戮之
人乎若以參聽各人有嫌於桀而稱其所不言之說為然
則天下必有先自陷於違名置吾身於不道之惡而欲為
信人者若以所言出於病風喪心為疑則所謂病風者
如狂如癡如瞽如聾喜怒無定言語失序不辨皂白者云

爾今而立所言非偶然一發而遂請者也隨後所使捏造
無形不遺餘力納之罟獲極其陰慘言雖似諱而稟與告
寔者無異是所謂病風者所為乎陷入大惡之言出於其
口羅織欲殺之計終至於如此則周官造言之刑有不足
懲而王法反坐之律在所難逃伏願殿下毋毀成憲以除
元兇今若置而不刑則今日之鄭逵雖荷殿下之聖明而
無辜辨釋後日之而立亦幸殿下之好生而猶猶焉陷賢
是事則殿下之賢人皆將不保其令名矣臣等之憤而立
雖出於鄭逵之為可尊為可師而殿下之治而立不必以
鄭逵為之輕重但當以陷人之法坐之凡人之陷尚必坐

之況於鄭述乎而立時年六十一而冒籍之供出於其姪
不是病風而當計之論出於士林臣等未如本道監司能
將此曲折備聞於上欺臣等伏見星州儒生鄭俊敏等上
疏聖批則殿下以而立年過七十意者而立冒籍之案其
未達於上欺前者儒生李芝等疏陳其而立冒籍之由則
殿下已知其而立之為六十一而猶不之罪臣等竊惑焉
而立既以冒籍而蒙宥則臣等未知殿下以而立為老妄
會毫不省人事不足數而赦之歟若是則老者皆可為惡
而先王之法不得行於老人欺臣等伏聞 國典有曰
年滿七十者據衆證定罪若然則朝家制法之意雖不以

刑詭加之於老人而衆證故一則流放寃殛之刑亦不以
老人而廢之者蓋可知矣使而立雖為七十而朝家之法
固不可不加况時年六十一而強壯擢惠者乎年為六十
一而寬之以七十謀為陷賢而貸之以喪心使之益肆其
罪曰增橫遠之氣而兩朝儒臣終不免殲頂之嘆則在殿
下待大臣之道亦恐其有所未盡也且監司辭狀結尾有
伏見本道儒生等通文則以臣為壺情曲庇於朴而立使
在下之公論有所未達臣下勝驚惶震慄之至云云臣等
得聞此狀不勝駭懼之至以狀辭觀之則有若臣等致書
于道主然豈有是理哉臣等竊聞其公論之未達而果為

通文遍告士林欲封一疏請罪而立則事係本道不能無
如此之議而非但自念其有傷於士風抑恐其語侵王人
案有所未安於體面故不敢必達焉殿下必欲聞其詳則
臣等不難於效墓而臣等之所恨者非恨其監司之不聞
也憤而立之冒籍也作憤其冒籍也痛元亮之見原也非
痛其見原也悶 王法之不伸也 王法一屈則朝多魑
蜮而國無全士等之憂至此極矣而殿下之憂則其亦
有大於臣等者矣至書曰伯也孽不可活而立之謂也殿下
當以自作孽活之不當以病風故之矣若其當初詆辱誣
賢之原則大賢之與大惡同居水火冰炭之有不足喻長

相及之臣等固不敢舉此舉彼有若較其曲直者之然嗚呼而立所言出於病風而為不足效果若殿下之所念則臣等亦人耳豈忍強請其罪啓吾君好殺之心而傷吾君好生之德哉伏願殿下以哀大賢之受誣一以懲元惡之易種肆諸市朝以昭王法不勝幸甚

李昌祿逆袁時本川儒生為先生伸冤疏乙卯

伏以舉義討賊臣子大節素時釋憾凶人常態乘此討賊之時逞其釋憾之計者此宗凶人之尤甚者也其心陰險尚忍言哉臣等不幸與大逆李昌祿同鄉臣等又不幸被兇人朴而立誣陷臣等不勝痛慘仰陳殿下伏願聖明垂

仁球納焉嗚呼死臣賊子何代無之不意今者近出臣鄉
允有血氣者孰不心駭骨痛沐浴請討乎今此討逆願未
已具於臣等三十六人呈書之中業已聖明之天洞燭因
不待臣等之續續第而立所上之疏傳者以為揭揭當初
黜鄉一事嚴陳搆誣云臣等未見其疏雖不知其中措語
之如何是不過乘一鄉不幸之機思報宿昔未釋之憾者
也請先陳昌祿黜鄉之由後及而立排誣之端蓋昌祿亮
逆之文出於傳聞故必的知亮文中辭說然後討之則我
得辟直而義壯賊亦服罪而無辭以得見亮文其否及覆
詢門子鄉會諸人則皆曰不也於是告官黜鄉之論紛紜


未幾竟及後多一會百餘人定為黜鄉完議詳加訪問如
得案狀即當告官討賊云云而同與著名之後齊從完問
毀撤竟集而散矣越翌日臣宋遠器等傳聞宋周賓的知
堯文即告于官設策請捕而罪人斯得已明與刑則告官
前一日姑為黜鄉者正所以不忍一日之與共鄉井也寧
有一毫容護之念乎其間曲折可質神明而人之凶極乃
如是耶夫而立之挾憾於臣等者粵自庚戌之歲而舍抄
窺影非一朝一夕矣臣等之鄉有前叅判臣鄭遠乃一世
名儒兩朝徵士其平生行己大節無愧古人而彼而立特
陰險一疵物也居同一邑水火相反事事生猜詆毀詬罵

無所不至一鄉之人憎其媚疾施以鄉罰則亮憲之性益肆悍惡更以不忍言之說又加於鄭述于時遠近齊憤抗疏叫闕聖批溫下兩各辭釋而而立之謀害鄭述益未嘗一刻忘于懷也今乃指斥鄭述全恩之說以為昌祿有所見聞於此而做出亮文既以擠陷鄭述又以誣誣臣等之所以被誣者曾為鄭述辨誣時或參出文中或預公事負或為之疏頭故磨牙鼓吻思欲打盡此一網者也大抵臣等計賊之舉昭然有可考者前七月初一日出文舉義十二日大會鄉人十三日毀家黜鄉十五日秘密告官十六日亮賊就捕十九日呈書本官請問參看究詰亮文

遂使覓賊就伏天誅一鄉快之隣邑躋之咸謂庶雪臣民
啗肉之憤矣及自上有所追告措捕有勞者查覆之命則當
初鄉會時欲為告官者妄意思賞之或及二三貪鄙之輩
遂生爭望之心乃曰我輩初欲告官者當為第一云而其
一乃而立壻李榮春也臣等恥與此輩相較乃於查覆之
中許以省書曰鄉會時初欲告官抗議者某某此固不欲
與之爭而得遂其欲也而立猶恐其壻之不得為首切乃
敢誡詒黜鄉之人褒揚欲告之類一以為自己釋憾之資
一以為其壻希望之地其言之兇慘其心之巧險吁亦極矣
若以彼輩心事言之則初雖以告官為言而終焉著名於完

議黜鄉之文齊往於毀撤兇巢之舉小無赤幟之達而後
為貪功所使陰噬而立上此兇章至使討賊之人反蒙護
送之合臣等竊痛焉而況而立此邑人也凡有送喪雖在
隣境義當請討之不暇彼而立父子豈見臣等討逆於一
境之內而終始不參視如秦越今為其婿羅織誣訴將陷
臣等於不測之地若為昌祿報仇者然護送之稟渠自有
之而無所逃其罪矣臣等竊恐不罪此人則無辜而枉死
者有之無功而妄希者繼起伏願聖上廓離明之照奮乾
剛之所以正鬼域之罪以雪臣等之冤不勝幸甚

寒岡先生年譜卷之四終



[illegible]